

丙戌

沁香

齋

題

畫

漱石



沁書



香

館

首



題



曩習舉子業時於雜體不多作卽作亦旋復摒棄不喜
存稿比入詞館後諸君子唱和間亦拈韻而稿仍多不
存丁艱歸里主川東講席帖括外以詩賦課徒遂溺於
吟事會督理練局又復於暇時藉資排遣今年于役成
都凡五閱月客况蕭條愁思無奈適友竹弟亦來風雨
對牀徒增岑寂不得已以詩自抒胸臆中間題畫最夥
爰集成百首凡花木鳥獸蟲魚率皆因物起興不足供
大雅一喙也咸豐丁巳年六月望前三日錦官旅次自

記



耳友榆先生名久矣關河饑走邂逅緣慳今夏晤於
蓉城晨夕過從時相酬唱有龐公德操之樂暇日出
題畫百首見示借題寫懷得風人遺旨所謂指與物
化不以心稽也爰題四章以博一粲

貂瑜錦段擅風流爲底張衡咏四愁屈子文章歸寄託
杜陵心事寓煩憂平章花鳥皆詩料檢點雲山當臥遊
畢竟此行真不負奚囊錦句一時收

君家三影舊知名百首新篇足抗衡合並宮詞擬王建
最難詩筆似蘭成木天大有傳人在錦水翻增旅客情

二

若與近時論紙價芙蓉城比洛陽城

帳捲扶風又練團東川壁壘壯騷壇十年自恨相逢晚
一曲還愁索解難尊酒論文忘永夕春花得意艷長安
阿儂畫畢仍耽咏慚愧郊詩體太寒

一年懷抱幾回開卻勝牢騷賦七哀錦自邱遲毫染就
詩憑摩詰畫傳來茫茫蹄印泥鴻爪字字珠含老蚌胎
手縛麒麟逕須取五雲紅處是蓬萊

咸豐七年六月中浣渝州俊夫鄰之杰拜題



題畫百首

奉節張正椿友榆著

山水

斜陽一抹遠帆輕。山色湖光接太清。三日此中容坐臥。僧絲畢竟不虛名。

松

參天百尺青銅姿。剝落輪囷溜雨皮。受得風霜能幾許。也曾靈珀化香脂。

竹

與可竹如左氏文。戲拈斑管畫湘君。何當一束青鸞尾。直掃蓬萊頂上雲。

梅

漫把梅花比放翁。持將畫扇說吳中。百花頭上春來早。誰及垂垂一樹紅。

香雪堂中飽點梅花光。人意共徘徊。孤標羞与羣芳競。曾向冰天鍊骨來。

柳

短條幾日忽長條。醉舞東風縮畫橋。開卷似嫌春意老。不關離別也魂銷。

楓



古桐

江上丹楓著色工。霜中不借夕陽紅。花花世界憑開落。
強抹朱顏那得同。

梧桐

誰畫龍門百尺枝。高岡祇合鳳棲遲。夜來惆悵難成寐。
怕有蕭疎雨滴時。

芭蕉

墨瀋淋漓大筆濡。園林花木判榮枯。分來窗外新陰滿。
不數王維舊畫圖。

辛夷花

春風初入上林時。木筆花開第一枝。我筆生花還五色。
何難乞與畫辛夷。

牡丹

畫出昭陽第一花。東風催放牡丹芽。六宮展卷無顏色。
何況尋常富貴家。

芍藥

一曲霓裳寄此花。將離贈我各天涯。願持畫省郎官筆。
題與他年罩碧紗。

桃花

桃葉桃根耐我思
春風還在小桃枝
此圖寄與問津者
莫怪仙源路甚岐

梨花

淡白盈盈湯點脂
佳人曾記掃蛾眉
花猶未落門先閉
不見當年舊酒旗

杏花

憑誰管領此東風
春宴分明記禁中
總爲一枝先及第
開來還在日邊紅

海棠

五

一入丹青見海棠
恨無題詠到詩王
畫來卻比吟來好
妙手而今數趙昌

菊

餐英泛酒秋光老
猶有傲霜三兩枝
留與先生爭晚節
此花原不寄人籬

秋葵

冶葉倡條盡掃除
花能向日態尤殊
黃金一軸秋葵色
自是天然沒骨圖

桂花

造成金粟界三千頃刻花開別有天試向瓊樓高處望
幾人叅破木犀禪

芙蓉

手把芙蓉畫不成空教惆悵芙蓉城美人顏色原如此
莫爲秋江恨便生

秋海棠

海棠嬌睡力猶微畫出秋容景已非春事匆匆剛過去
可憐清瘦損腰圍

石榴

六

賸得胭脂點染工劉郎曾拜絳侯封他年纍纍應多子
比較花時色更紅

藤花

豆棚松架影婆娑更有藤枝雜女蘿不肯當塗混荆棘
綠陰終讓此花多

凌霄花

細葉柔條弱不禁凌霄花勢寫千尋縱然枝幹依高樹
一瓣常懸捧日心

繡毬花

錦簇花團滿畫屏。春風繡出玉瓏玲。拋時一醉渾間事，老去何須惜九齡。

玉簪花

似玉無瑕更肖簪。多情月照小窗陰。欲持木筆描芳態，卻惜花時未展心。

雞冠花

雞窗談罷倚花欄。花亦多情爲整冠。小立風前渾欲舞，不妨寫向鏡中看。

鳳仙花

七

九苞鳳本是前因。別有仙緣托化身。我自愛花花愛我，不曾染指效他人。

虞美人

美人薄命惜顏紅。千載春心怨楚宮。寫出虞兮無限恨，欲將血淚寄重瞳。

紫薇

花凝朝露近綸扉。上苑嘉名錫紫微。朝罷宮袍香滿襲，郎官新自玉堂歸。

玉蘭

姑射仙人住帝畿如臨洛水貌依稀花時錯認天公戲
特遣霓裳試羽衣

蓮花

畫船坐對滿花風人面如花間粉紅別有芳心描不得
吳兒剛唱玉玲瓏

荷葉

紅橋十里葉田田曾記江南可采蓮好景匆匆看畫裏
隣他小似沈郎錢

梔子

一幅華箋粉本新冰姿雪骨玉精神如何愛畫山梔子
記取同心好贈人

山茶

一枝和雪上屏風幽徑茶花慙不紅愛惜無人憐地僻
憑他拋擲亂山中

櫻桃花

笑啓朱唇醉夕曛春風料峭裹紅雲他年著子應增色
不肯花時露十分

水仙

瀟湘圖裏梁園種一幅生綃怨別離寫出東阿王子恨
此花身是美人遺

蘭

芳心悵望到湘南昨夜蘭徵信早探筆底花生同入夢
爲君畫得草宜男

櫻桃

四月長安伴筍廚冰盤共薦紫虬珠胭脂點就殷紅色
應許香名配酪奴

枇杷

九

盧橘曾經畫譜收宜和妙墨太清樓可憐萬里橋邊樹
兩葉風枝又幾秋

荔枝

荔枝香近曲翻新畫上雲箋恐未真欲替楊妃重寫照
爲添一騎破紅塵

佛手柑

畫手新將佛手摹黃柑各種樣全殊何煩更借麻姑爪
摘取仙人掌上珠

橘

洞庭秋色滿寒烟
錯落金丸橘鑄圓
帖寫右軍三百顆
還須小摘未霜前

木瓜

宣城嘉植萬千株
秋色黃金入畫圖
若並李桃咏投我
祇愁無自報瓊琚

葡萄

勸君一醉葡萄酒
爲余一作葡萄詩
牟尼百八難摹寫
好句還應讓退之

獅

塗金蘊火狀
俊猊鈎爪張
眸畫猛獅假
面嗤他臥貉子
居然當道自蹲踈

象

披圖笑看鼻
亭公何必低頭
畏越童多少黃
門工拜舞
龐然一例愧庸庸

虎

紛紛野兔與黔
驢都讓風生一
嘯初畫爾不成
多類狗
竟無人讀馬援書

豹

曾記三年隱霧間
大人豹變出南山
生來文炳還文蔚
何必金錢細點斑

麒麟

怎得丹青妙寫真
圖來天上玉麒麟
紛紛繪像凌烟閣
可似伏波有幾人

犀

森森頭角本岐嶷
光怪何人狀陸離
不必羨他分水利
燃犀一照總無遺

鹿

海東雲氣捲層波
報到將軍射鹿過
安得贊華九圖在
六千卷軸壓宣和

馬

十二天閑三品芻
驕駟駉裏本知途
將軍善畫稱神品
能寫權奇骨相無

牛

弗獲弗耕甚可愁
幽圖以外更何求
風難相及休爭力
也許呼牛便應牛

羊

節旄落盡海西頭，羝乳歸來萬古愁。
三百爲羣誰謂爾，應憐芻牧有人求。

犬

載儉詩歌並欲驕，犬兒得志氣橫豪。
功人不暇還功狗，無怪靈公愛嗾獒。

橐駝

頻年汗血染羈韉，任重三軍比戰場。
欲借圖中千里足，憑他送我木蘭鄉。

猴

十二巫峯萬疊雲，別開生面慕將軍。
忘形我亦猿猱性，傲弄當時總不羣。

貓

歸來莫訴食無魚，嚇鼠虛名計摠疎。
今日殘麋知味美，弄花撲蝶悔當初。

鼠

剽輕儂狡任泥汙，穿穴穿墉作坦途。
相爾逢人曾有禮，何來梁國嚇鷓鴣。

鳳

五鳳齊飛翰苑高造樓手段任揮毫笑他舞鏡山雞俗
顧影翩翩惜羽毛

鶴

松頂何堪借一枝羣雞隊裏美丰姿我來偏愛羊公鶴
畫出氈毳不舞時

孔雀

吉光片羽自晶瑩孔雀屏開翡翠生多少簪花頭上客
帽簷故側炫分明

鷹

尚父無人爲寫真鷹揚事業古爲新勸君莫羨雲中鳥
釣叟何曾老渭濱

鸞

日出浮筠見幾竿蓬萊頂上集青鸞仙人把尾何年戲
且向雲林畫裏看

鵬

十載鵬搏願不違鯤魚感化羨初飛扶搖九萬原空濶
一入雲中未便歸

鵠

刻鵠當年效伯高卓然獨立壓羣翬羽毛養得眞豐滿
展卷休將類鶯嘲

鷗

天地沙鷗入畫清從遊海上契三生蘋洲自是回頭岸
早定他年白水盟

鷺

漠漠江田白鷺飛釣漁石畔易忘歸莫從雜鶯叢中立
與世浮沈計總非

鶯

古

前有羲之後趙才畫家奇格記曾開若教乞寫荷香下
再許山陰道士來

燕

捲起重簾白板開雙雙燕自海陽回與君畫裏曾相識
帶得春風一路來

雁

秋風幾度寄寒衣看爾啣蘆近釣磯底事瀟湘烟水潤
鄉音望斷字痕稀

鶯

記會春色上林看聽罷鶯聲待漏闌幽谷相逢君莫厭
遷將喬木見應難

杜鵑

杜鵑枝上杜鵑飛畫裏看來是也非昨夜五更驚客夢
聲聲似喚不如歸

鷓鴣

曾聞曲裏鷓鴣斑又見鷓鴣入畫間莫喚哥哥行不得
有人今日唱陽關

鸚鵡

五

圖中鸚鵡豈能言卻勝當年鶴在軒繪出綠衣娘子貌
愛他風格比棲鸞

百舌

不解詩篇憶莫捫喃喃小鳥怨黃昏而今勸爾三緘口
漫詡張儀舌尙存

白頭翁

燕乳鶯雛莫喚愁千紅萬紫寫清幽牡丹花下春長甚
富貴居然到白頭

鳩

拂羽歸來喚婦時
圖中鳩拙漫相嗤
河洲解得風人意
纔把關雎首冠詩

鳶

戾天心事莫教違
空景澄鮮在夕暉
笑煞兒童爭剪紙
不須羽翼也高飛

烏

屋止誰家烏自呼
寒山月落悵姑蘇
祇愁筆墨描難盡
多少人間白項烏

鴉

綠槐高樹集昏鴉
不入尋常百姓家
最是丹青難染處
飛來背上夕陽斜

鳧

染就頭丸一點紅
蕩花風裏冒鳧翁
江湖但願長爲客
不羨詩歌福祿崇

鴨

鴨兒初放白蘋汀
鴨母船依釣子舡
多少野禽無取處
何堪一見海東青

雞

花冠錦臆畫圖收飲啄浮生問幾秋
寒月五更驚起舞
本來不爲稻梁謀

蜻蜓

欲落故飛初點水似來忽轉不禁風
漫言四翼終嫌薄
別有神傳欸欸中

蟬

飲露餐風計亦微倚來高樹覺涼歸
笑他脫化還輕便
眞面從前已盡非

蝴蝶

蘧蘧栩栩畫難成傍水穿花恰有情
我亦多情似蝴蝶
憑將一夢學莊生

蜂

淡雲微雨釀花香隔院遊蜂已過牆
鬚蕊抱將窠日去
一生甜蜜爲人忙

蠅

何人誤筆點蠅成不用浮蛆便化生
幸有高明驅逐術
任他窗外苦營營

龍

首尾依稀爪甲全問他屈護幾何年假龍更比真龍好
一點雙睛便上天

蛟

霹靂聲中噴雨遲也隨龍領怒掀髭神蛟不是池中物
請看飛騰出水時

魚

獨步濠梁意不舒縱知魚樂總非魚披圖也似遺雙鯉
可有傳來尺素書

鰕

十八

青衫白角著綃輕蘆葦叢中變化成無目還應憐水母
如何依附傍他行

蟹

考工外骨記分明八跪雙螯爲寫生寫到戈矛森立處
不妨冷眼看橫行

蛙

聒耳蛙聲處處同綠苔碧草畫難工卻嫌兩部安排就
猶有庸兒在井中

蝸

腥涎滿載寄餘生
畫就蝸牛負殼行
笑爾鑽營蠻觸利
居然頭角也崢嶸

草蟲

草蟲初傍豆花籬
蠢蠢蠕蠕任所之
誰把丹青推物理
一叢朽腐化神奇

螢

十斛流螢照夜光
景華宮殿寫荒涼
噍他燭火終嫌小
何敢高飛近太陽

蟋蟀

誰製新詞蟋蟀吟
描將月額並紅鈴
半閒堂內渾無事
記否平章促織經

螳螂

畫取螳螂仲夏生
昂頭奮臂覺身輕
拒車至竟難勝任
事事何曾量力行

三徑
桃李

九州
蔚蘭芬

畫取蟋蟀秋
令生口口秋香

門本獨真一班

雅志新先心

了心方德

自

全視寧極出如

冰胎常應院

EDCBA

全球百貨日用品

畫取蟬蟀秋令生
昂首奮鬥方認真
稚子青年來習戰
將軍出旗掌握牛

A 洋雜部

襯衫領帶
汗衫內衣
衛生衫褲

B 襪巾部

羊毛線襪
絨線襪帶
手帕毛巾
婦女飾品

C 食品部

罐頭煙酒
西菓罐頭
糖菓餅乾
冰室冷飲

D 化粧品部

巴黎香水
牙刷牙膏
洗衣肥皂
化粧用品

E 鞋傘部

男女皮鞋
運動器具
藤登山傘
球鞋套鞋

五金部

面盆喉盥
鋼器料器
鋼精用具
冷熱水瓶

毛氈毛毯

被單枕巾

000000



中山大學新街

3

1003